

D.^a VIRGINIA FRAGA DÍAZ, SECRETARIA XERAL DO CONCELLO DE TEO (A CORUÑA),

CERTIFICA:

Que o Pleno da Corporación, na sesión ordinaria celebrada o 22 de novembro de 2023, adoptou, entre outros, o seguinte acordo:

6.- DITAME DA MOCIÓN CONXUNTA DO GRUPO MUNICIPAL DO PARTIDO POPULAR, PSOE DE TEO, BNG DE TEO E PXC POLA LOITA CONTRA A VIOLENCIA DE XÉNERO.

A sra. alcaldesa da lectura á moción conxunta dos grupos políticos municipais, do 10 de novembro de 2023, que se recolle a continuación, ditaminada favorablemente pola Comisión Informativa de servizos sociais, igualdade, muller, diversidade e relacións veciñais do 16 de novembro de 2023.

“MOCIÓN CONXUNTA DO GRUPO MUNICIPAL DO PARTIDO POPULAR, PSOE de TEO, BNG de TEO E PXCT POLA LOITA CONTRA A VIOLENCIA DE XÉNERO:

O único número aceptable no eido da violencia de xénero é cero, porén no que vai de 2023 temos que lamentar en Galicia a morte de dúas mulleres na provincia de Pontevedra a causa desta lacra, e no Estado Español foron asasinadas 51 mulleres (dato FEMP). É algo que como sociedade non podemos consentir.

O último informe do Observatorio contra a Violencia Doméstica e de Xénero (CGPJ) reflicte que Galicia pechou o 1º trimestre de 2023 cun aumento do 3% das denuncias por violencia de xénero. Debemos traballar para sensibilizar a cidadanía en xeral e a mocidade en particular, co fin de previr as violencias de xénero en todas as súas manifestacións. Cómpre educar nesta materia para que non existan maltratadores e, así, evitar que haxa vítimas.

Detrás da frialdade de cada cifra e cada porcentaxe está a vida dunha muller. Non podemos resignarnos a que se asuma como normalidade a traxedia dolorosamente cotiá da violencia machista porque non é un destino escrito en pedra senón o resultado,

tal e como sinala Nacións Unidas, de “ unhas relación de poder desiguais entre mulleres e homes que persiste como unha crise silenciosa “.

Débese traballar para que as mulleres crean máis no sistema, que as forzas e corpos de seguridade do Estado (que realizan os atestados policiais ou actúan directamente) estean mellor formados e que a sociedade, así como a contorna das vítimas tamén estea máis concienciada.

Aínda que ano tras ano se está a mellorar, é preciso redobrar aínda máis os esforzos para facerlle fronte á violencia de xénero, para previla e para facilitar ás mulleres os instrumentos para enfrontar esta situación e acompañalas no proceso.

A violencia contra as mulleres é incompatible cunha sociedade plenamente democrática. Garantir a liberdade a seguridade e a vida das mulleres e protexer ás vítimas non é unha opción, é unha obriga democrática. A violencia machista interpélanos e as administración locais debemos combatela con todos os medios ao noso alcance. No ámbito das nosas competencias desenvolvemos un papel fundamental na prevención, así como na información, asesoramento, protección e acompañamento ás mulleres vítimas e ás súas fillas e fillos.

Polo exposto anteriormente, **PROPONSE** ao Pleno do Concello de Teo a aprobación do seguinte acordo:

- 1.- Reafirmar o compromiso firme do Concello cos dereitos das mulleres e a erradicación de calquera tipo de violencia machista e combater calquera discurso negacionista e posicionamento político que negue a violencia machista ou rexeite as políticas públicas enfocadas á súa total erradicación.
- 2.- Manifestar como grupos políticos, o apoio ás reivindicacións do 25 de novembro e participar nos actos conmemorativos na reivindicación da violencia de xénero.
- 3.- O Concello comprométese a facilitar a formación do persoal en materia de igualdade e de violencia de xénero, así como a motivar á participación a todos os axentes locais que deban participar da Mesa Local contra a violencia de xénero para que poidan ofertar os recursos necesarios dende as súas áreas.

- 4.- O Concello comprométese a facilitar a difusión dos principais actos do 25N.
- 5.- Expresar a vontade de traballar para erradicar a violencia machista, polo que pedimos á Xunta de Galicia, que solicite ao Goberno do Estado un incremento das contías destinadas á Administración local nos orzamentos do Estado.
- 6.- Solicitar á Xunta de Galicia que, a través dos medios correspondentes, requira do Goberno do Estado o compromiso de que desenvolvan os acordos establecidos no Pacto de Estado contra a violencia de xénero.
- 7.- Solicitar á Xunta de Galicia que siga traballando para a aprobación e aplicación dun protocolo de prevención e intervención fronte a agresións sexuais no marco do ocio nocturno.
- 8.- Solicitar á Xunta de Galicia que siga reforzando os CIM (centros de información á muller) como entidades locais máis próximas, dotándoos de recursos suficientes para que poidan desenvolver tamén actividades de prevención e de promoción da igualdade e impulsando medidas para a incorporación a eles de novos perfis profesionais.

(.....)

Sometido o asunto a votación, o Pleno da Corporación, por unanimidade dos seus membros, acorda:

- 1.- Reafirmar o compromiso firme do Concello cos dereitos das mulleres e a erradicación de calquera tipo de violencia machista e combater calquera discurso negacionista e posicionamento político que negue a violencia machista ou rexeite as políticas públicas enfocadas á súa total erradicación.**
- 2.- Manifestar como grupos políticos, o apoio ás reivindicacións do 25 de novembro e participar nos actos conmemorativos na reivindicación da violencia de xénero.**
- 3.- O Concello comprométese a facilitar a formación do persoal en materia de igualdade e de violencia de xénero, así como a motivar á participación a todos os**

axentes locais que deban participar da Mesa Local contra a violencia de xénero para que poidan ofertar os recursos necesarios dende as súas áreas.

4.- O Concello comprométese a facilitar a difusión dos principais actos do 25N.

5.- Expresar a vontade de traballar para erradicar a violencia machista, polo que pedimos á Xunta de Galicia, que solicite ao Goberno do Estado un incremento das contías destinadas á Administración local nos orzamentos do Estado.

6.- Solicitar á Xunta de Galicia que, a través dos medios correspondentes, requira do Goberno do Estado o compromiso de que desenvolvan os acordos establecidos no Pacto de Estado contra a violencia de xénero.

7.- Solicitar á Xunta de Galicia que siga traballando para a aprobación e aplicación dun protocolo de prevención e intervención fronte a agresións sexuais no marco do ocio nocturno.

8.- Solicitar á Xunta de Galicia que siga reforzando os CIM (centros de información á muller) como entidades locais máis próximas, dotándoos de recursos suficientes para que poidan desenvolver tamén actividades de prevención e de promoción da igualdade e impulsando medidas para a incorporación a eles de novos perfís profesionais.

E para que conste, expido e asino a presente, de orde e co visto e praxe da sra. alcaldesa, coa reserva do artigo 206 do R.D. 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, en Teo, na data da sinatura dixital do presente.

A secretaria xeral

Virginia Fraga Díaz

Visto e praxe,

A alcaldesa

Lucía Calvo de la Uz